



Protocol

Radunanza cumünala dals 08.11.2023

Presidi: Peer-Puorger Victor
Preschaint: 19 votantas e votants
S-chüsà: Fadri Riatsch
Scrutinaduras: Armin Gisep e Jon Blanke
Protocol: Poo Christian

tractandas	tema	responsabel
1	0110 Legislativa Tscherna da scrutinadurs	
2	9630 Stabels da la facultà da finanzas Facultà finanziaria cumünala Cumprita da las parcellas no. 6125 (barat parcella no. 7529), no. 6170 e no. 6169	
3	8715 Ütilisaziun da l'energia GKI - Gemeinschaftskraftwerk Inn / En Supplemant al contrat da servitut persunal tanter il cumün ed il GKI	
4	9630 Stabels da la facultà da finanzas Contrat da servitut funsil Dret da funtana Marchet Notegen	
5	7710 Sunteri e sepultura Sunteris Valsot Fossa cumünaivla	
6	0110 Legislativa Varia (radunanza cumünala)	

0110 Legislativa

6 Tscherna da scrutinadurs

Il capo, Victor Peer, driva la radunanza e dà il bivgnaint als 19 preschaints. Sco scrutinadurs vegnan elets, cun vusch unanima, Armin Gisep da Seraplana e Jon Blanke da Ramosch.

9630 Stabels da la facultà da finanzas

7 Facultà finanziaria cumünala

Cumprita da las parcelas no. 6125 (barat parcella no. 7529), no. 6170 e no. 6169

Il capo orientescha, cha cul ingrondimaint da la chasa da scoula Strada ed in vista ad ün eventual bsögn da terrain per realisar in futur stabilimaints ed implants publics implü in quella zona, vaiva il cumün fat üna dumonda in scrit per aquistar quel terrain. In connex cun quist intent cun ün' eventuala cumprita da las parcelas privatas no. 6125, 6170 e 6169 a Strada, s'haja pudü chattar üna soluziun cun duos dals trais possessurs pertocs. La valur dal terrain es gnüda stimada cun frs. 100.00/m². Per la parcella no. 6125, in possess da duonna Sara Fliiri – Etter (957 m² a frs.100.00/m²) vain fat ün barat da terrain illa valur da frs. 17'765.00, quai culla parcella agricula no. 7529, la quala es in possess dal cumün (3'553 m² a frs.5.00/m²). Implü vain restitui l'import restant da frs. 77'935.00. La parcella no. 6170, in possess dals jertavels Anita Gaudenz – Grass vain acquistada dal cumün pel import da frs. 57'200.00 (572 m² a frs.100.00/m²).

Armon Mayer

Armon manzuna, cha in connex cun ün oter acquist da terrain d'eira gnü stimà il terrain agricul cun frs. 4.00/m². Il capo orientescha, cha'l cumün ha laschà stimar nouv la parcella pertocca, our da quella resulta üna valur da frs. 5.00/m².

La radunanza va d'accord cul acquist e cul barat surmanzunà ed approvescha ils duos contrats cun vusch unanima.

8715 Ütilisaziun da l'energia

8 GKI - Gemeinschaftskraftwerk Inn / En

Supplemait al contrat da servitut persunal tanter il cumün ed il GKI

Il capo orientescha davart il supplemait al contrat da servitut persunal avantman tanter il Cumün da Valsot e'l GKI. In quel supplemait sun definats ils drets ed ils dovairs dals duos partenaris in connex cul adöver da la via da velos chi passa sülla parcella cumünala no. 6061 lung l'implant da serra dal GKI. Quel toc via vain eir trat a nüz dal GKI sco access per rivar pro l'implant. Implü sun definats in quist supplemait eir ils drets e dovairs per la parcella no. 6062, sülla quala as rechatta l'implant sves.

El manzuna, cha'l toc via surmanzunà es gnüda realisada ed eir finanziada dal GKI. Il cumün ha profità da quai, eir nu vain davart dal GKI pretais ün'indemnisaziun pel dret da passagi.

La radunanza approvescha il supplemait al contrat da servitut persunal cun vusch unanima.

9630 Stabels da la facultà da finanzas

9 Contrat da servitut funsil

Dret da funtana Marchet Notegen

Il capo orientescha sur dal cuntgnü dal contrat da dret da funtana a favur da Marchet Notegen. Quel ha inoltrà la dumonda per far adöver d'üna funtana i'l territori da Craduvvias, la quala as rechatta suot sia chamonna. Da quists contrats ha il cumün fat amo plüs. Pel adöver da la funtana es previs da metter in quint üna taxa pauschala unica da frs. 500.00, implü sto il petent surtour ils cuosts per l'inscripziun i'l cudesch fundiari e las spaisas dal cumün.

La radunanza va d'accord culla proposta ed approvescha il cuntgnü dal contrat. Il cumün vegn legitimà da suottascriver il contrat preschaint.

7710 Sunteris e sepultüra

10 Sunteris Valsot

Fossa cumünaivla

La respunsabla pel departamaint sunteris, Ursina Caviezel ed il manader tecnic orienteschan davart l'intent per introdüer eir a Valsot üna fossa cumünaivla. Al temp d'hozindi as dess dar la pussibilità da pudair gnir sepuli eir in üna fossa cumünaivla. In quist connex es gnü introdüt ün nouv artichel illa ledscha da sunteris e fat ils seguaints adattamaints pro'ls artichels pertocs da la revisiun:

Art. 3 Fuormas da sepultüras

- d) fossa cumünaivla cun svödär la tschendra o laschar giò l'urna in tala*

*vala be pels sunteris da Ramosch e da Tschlin

Art. 18 Fossa cumünaivla

- 1 Il cumün cultiva las fossas cumünaivlas süls sunteris da Ramosch e da Tschlin.
- 2 Las fossas cumünaivlas nu pon gnir imbellidas cun fluors, plantas e.o.p.
- 3 La tschendra vain svödada diretamaing illa fossa cumünaivla obain missa in ün'urna, la quala vain laschada giò illa fossa.
- 4 Il cumün pissera cha l'inscripziun toccanta vegna ingravada sün üna tablina.
- 5 l's lascha sainza ingrar las datas scha'ls relaschats giavüschan quai expressamaing.

Art. 22 Qualità da vaschels ed urnas

- 1 Pro üna sepultüra in üna da las duos fossas cumünaivlas cun urna sun admess be urnas da sablun o da chartun.

Art. 23 Roms e monumaints

- 5 Mincha monumaint sto portar il nom, il prenom, l'on da naschentscha e l'on da mort dal trapassà. Tenor Art. 18 Abs. 4 lit po pro la fossa cumünaivla gnir disesti sün quai.
- 6 Ils monumaints ston esser fats per regla da crap. Davart excepziuns decida la direcziun.

Art. 29 Taxas da sepultüra

- 4 Sepultüras illas fossas cumünaivlas
 - a) persunas cun domicil da dret civil a Valsot:
 - sepultüra illa fossa cumünaivla: 250 fin 1'000 francs
 - b) persunas cun ün oter domicil da dret civil:
 - sepultüra illa fossa cumünaivla: 500 fin 2'000 francs

A man d'üna preschantaziun declera il manader tecnic in che lös chi'd es previs da realisar las fossas cumünaivlas e co cha talas dessan verer oura. Implü dà el amo tschertas infuormaziuns davart las sepultüras dals ons passatas e che quaders da fossas chi sun previs dad allontanar ils prossems ons.

Discussiun

Armon Mayer propuona da strichar pro'ls artichels 3 e 18 la part, illa quala vegnan manzunats explicitamaing ils sunteris da Ramosch e da Tschlin. In cas chi gnissan plü tard realisadas fossas cumünaivlas eir ils ulteriurs sunteris da Valost, nu stess gnir revissa la ledscha danövmaing. Tant a la suprastanza, sco eir als preschaints para quella proposta bun e fa eir sen.

Decisiun

La radunanza approvescha la revisun da la ledscha davart ils sunteris e las sepultüras cul adattamaint surmanzunà cun vusch unanima. Ils artichels 3 e 18 tunan tenor decisiun da la radunanza seguaintamaing :

Art. 3 Fuormas da sepultüras

d) fossa cumünaivla cun svödär la tschendra o laschar giò l'urna in tala.

Art. 18 Fossa cumünaivla

- 1 Il cumün cultiva las fossas cumünaivlas süls sunteris da Valsot, pro'ls quals es avantman üna tala fossa.
- 2 Las fossas cumünaivlas nu pon gnir imbellidas cun fluors, plantas e.o.p.
- 3 La tschendra vain svödada diretamaing illa fossa cumünaivla obain missa in ün'urna, la quala vain laschada giò illa fossa.
- 4 Il cumün pissera cha l'inscripziun toccanta vegna ingravada sün üna tablina.
- 5 l's lascha sainza ingrar las datas scha'ls relaschats giavüschan quai expressamaing.

0110 Legislativa

11 Varia (radunanza cumünala)*Andri Cantieni*

D'incuort es gnüda piazzada pro la fermativa da la posta a Seraplana üna glüm da vias, quai our da motivs da sgürezza ed in connex culla nouv'entrada da la via chantunala chi maina a Seraplana. Andri ingrazcha al cumüm per la realisaziun.

A las 20:55 serra il capo la radunanza, el ingrazcha als preschaints per lur cumparsa e giavüscha ün bun arriv a chasa.

7556 Ramosch, 13.11.2023



Il capo:

Il manader administraziun: